

四庫全書

集部

欽定四庫全書

續軒渠集卷七

元 洪希文 撰

五言絕句

贈東園方子敬棄儒學醫

出門謝孔周面壁說神農莫道上池水根源洙泗中

扁鵲

勃海人也姓秦氏少為人舍長舍客長桑君過扁鵲獨
奇之語謹遇之長桑君亦知扁鵲非常人呼扁鵲私坐
語之曰我有禁方年老欲傳與公公母泄乃出其像中
藥與扁鵲曰飲煮上池之水三日乃知物矣乃悉其方

以與扁鵲忽不見 古方
書云以知為度未知再服

父師傳肘後非桂亦非葎珍重不龜藥母勞售百金

莊子

不龜手之藥 注云其藥能令
手不龜折也龜音靴音義同

牡丹

雖異山林質生於水竹涯只今爭富麗喚作洛陽花
國色酣朝酒天香散曉風荒村蜂與蝶老死菜花叢

芍藥

曾將菩薩面慣對翰林翁茅屋竹籬短深慚爍爍紅

李羣

玉與王璘駢句破題云芍藥花開菩薩
面璘畧不佇思曰樓欄花散夜叉頭

當階嬌拂席傍砌醉凭欄若定乘龍壻應須尚牡丹
娶

公主皆曰尚公主
史王姬下嫁曰尚

瑞香花盛開

錦織麒麟瑞爐熏篤耨香就將相並比閣筆費平章
耨農入聲

石崇饒錦障韓壽愛囊香二物吾無取看花意不忘

僧舍酒邊有陳雜果品中有青杏甚奇客或以為梅

或以為杏因嚼一顆齧甚牙斷而止戲成一絕
斷唐韻注

齒傷酢也

酢酸也

杏與梅同譜連根庚嶺中要論名實處馬異與盧全

盧全與馬

異結交詩云全不全異不異是謂大全而小異全自全異自異全不往兮異不至

書畫扇

雨濕梨花重苗榮鴉舅鳴墨池并雪嶺此日得同行

纒出墨池

又登雪嶺何其一日黑白不均

世上無名鳥人間絕色花始知天地闊未盡入唐家

唐明皇天

寶末年遣使李駟採民間美女納之宮中
號花鳥使李白嘗著大鵬過希有鳥賦

歲暮吟

師門曾立雪親舍屢瞻雲
二事事如一晨昏一炷熏

春旱得雨

桑田猶牧地秧隴尚蔬畦
更有憂春事聲聲怨竹雞

遜齋

閑覽云白蟻聞竹雞之聲化而為水
今在處山林有之自呼為泥滑滑云

風竹

風入篔簹谷長驅翠浪平
居然龍種異還作戰濤聲

盧全詩竹林吾所愛新笋好看
守萬籜抱龍兒攢迸溢林藪

春雪

東風猶瘁瘵花事已闌珊未便平平過須饒早晚寒

古別離曲

與郎新別離問郎來何時似嫌別時早莫恨歸來遲

夜讀無油

薪蠟豈豐崇囊螢何嗇屑貧固士之常書亦天所靳

夜坐偶書

燈晦客無寐牀空夜不眠淒涼心下事月到小牕前

六言絕句

東西舍語子願鑿壁分光予思古人有無損子

明之語遂從其請戲成六言

有目願見種色鑿壁幸分餘光彼量汪汪千頃我闔洞

洞八荒

史記甘茂謂蘇秦曰貧人女與富人女會績貧人女曰我無以買燭而子之燭光幸有餘

子可分我餘光無損子明世說郭林宗至汝南造袁奉亭車不停軌轡不縱軌詣黃憲叔度乃彌日信

宿人問其故林宗曰叔度汪汪如萬頃波澄之不清撓之不濁其深遠難測也郭泰字林宗司徒黃瓊辟太

常趙典舉有道見本傳

七言絕句上

雙燕復來

松篁搖落柳條新，巷陌尋常易得春。江左風流諸子弟

也，隨飛燕傍他人。

舊時王謝堂前燕飛入尋常百姓家。王謝子弟為烏衣諸郎。

隣曲

親滌床頭老瓦盆，自燒筍蕨當盤飧。拾遺田父平生友，
共醉相同卧竹根。

春怨

又見家山叫杜鵑良人飄泊幾經年去年花謝今年好
閑對花枝思惘然

溪邊女

松粉飄黃落細花高崖墜石立平沙門前一帶寒流水

兩兩青裙自漚麻

詩陳國風東門
之池可以漚麻

兩上元

連年盜賊未全收夜作松明當點油上界真仙憐下士

高懸明月作燈毬

陳紹祖許吕方竹杖小詩索之

見說杉溪溪水傍幾年方竹色蒼蒼自慚不是紅顏日
助我閑吟繞曲廊

安排鶴膝挑囊去準擬龍鍾信杖扶此是吾儂閑受用

不求寫入葛陂圖

李德裕贈方竹杖及再見問杖無恙
否曰已規而漆之矣公嗟惋久之

僕老戲戶有客款予持示羽客揚逢賓歸閩省

親序迺天師太玄老仙筆也予披讀數四書

眼為明且嘉楊生蚤嘗及門曾未幾見遂寄踪

老子法中所謂六經外有此良友際遇公卿清
譽可掬生慎勵前操必有如韓退之送張道士
所云者贖呂四絕少答來貺

憶昔青衿牆屏間造門已見著黃冠從來孔李無殊教

大道流行執兩端

孔融謂李膺先君孔子與李老君同時義而相師友則融與君為累世通

家
矣

上界仙官戲篆文飄飄鸞鶴下層雲辦香玩索心語

口所得于今過所聞

唐李淳風父播任隋棄官為道士號曰黃冠子韓退之送元十

八協律所聞昔已
多所得今勝前

令伯陳情世尚傳持歸數幅盡佳篇遊神句法元清淨

況此仙翁玄又玄

天目山頭幾葉孫入閩端為避塵喧蹉跎半世成何事

又擬携家隱鹿門

郭璞詩天目山頭兩乳長龍飛鳳舞
到錢塘僕先世自上饒而官閩已九

矣世

戊寅再館壽峯重遊吳真人祠下書呂二絕

憶昔題詩寄洞仙稗松初種已參天道人不識飛騰術

面壁看書又十年

石英與許長史書曰玉醴金漿交梨火棗是乃飛騰之藥

石髓重來尚未乾
汲泉煮石對溪山
擔頭書劔仍携
幼分是閑人未許閑

番菊

黃金點綴碧叢叢
不與東籬住貫同
畢竟秋官員數
滿榻來借注在春風

八月十三夜登劉氏望遠樓翫月

繡牕疏戶透玲瓏
上界星辰咫尺通
四顧水天銀一色

分明人在廣寒宮

無題

二八當筵舞柘枝東塗西抹賽新奇而今粉暗脂冷

懶去翻騰十樣眉

唐明皇幸蜀令畫工作十眉圖橫雲却月皆其名也橫眉碧遠山卓文君

也眉

對花月作

花開人醉月嬋娟月滿花香人少年三絕偶然成一笑

人生何處侶樽前

田舍曲

杏花開後雨如烟
燕子來時水滿川
眉雪老翁芻一束
肩犁扶犢出新田

素馨

翡翠簾櫳玉雪容
內家裝束道家風
裴回顧影精神

爽恍是香魂返漢宮

漢宮人名素馨

明皇太真避暑按樂圖三絕

供奉清平進雅歌
梨園張樂奏雲和
不知聽得新翻曲

差勝名臣金鏡磨

天寶中李白供奉翰林時沈香亭會木芍藥開上乘照夜車太真以步輦

從詔選梨園子弟得樂一十六色李龜年手捧檀板押衆樂欲歌之上曰賞名花對妃子焉用舊時詞命龜年持金牋宣賜李白立進清平調三章龜年歌之太真持頗梨七寶杯酌西涼州蒲萄酒笑領歌詞自是顧李翰林異他學士清平調周房中之遺聲 玄宗天長節百寮上壽王公以下獻鏡唯張九齡獻千秋金鏡錄五卷言前後廢興上賜書褒美李白進清平詞三章見八卷末 天寶中嶺南獻鸚鵡養之宮中歲久頗聰慧通言語上及貴妃呼為雪衣

已副冰盆金粟瓜旋調雪水試涼茶宮娃未解君恩暖

尚引青嬰汲井花

禮記為天子削瓜者副之音匹杜詩兒童汲井花慣捷餅在手

日晏朝回機務停雪衣口嘴許惺惺侍臣更有能言者

自是無人進掖庭

雪衣解誤寫在
供奉清平註下

雲坡李權府暇日持示畫馬及刺繡傷春二圖
俱可愛索詩各書一絕

曾從平步簡雲端耿耿方瞳照影寒豈但晉人存馬癖

一朝三索畫圖看

漢書天馬歌簡浮雲曉上駮晉杜
預為春秋傳時王濟善相馬又耽愛

之而和嶠頗聚歛預嘗謂濟有馬癖嶠有錢
癖武帝謂預曰卿有何癖預曰臣有左傳癖

坐繡香羅枉却春停針不語倍傷神此身不及雙飛燕

飛去飛來不屬人

寄題囊山寺海月堂

舊堂回祿
今復重構

粟侶風颿海侶杯
禪宮高倚碧崔嵬
琴聲銷歇詩寥落

滄海依然駕月來

六合萬籟息
秋林月正釋
琴中彈不盡
石上坐忘歸
蔡襄我來六合正涼

風壁上觀詩憶蔡公惟有秋林舊
時月至今猶照梵王宮
永嘉王魁子明簿書叢裏易勞生
辜負林間風

月清銅虎付人身
屬我得來石上聽泉聲
蒲守吳太博炎

周廣文

溥

別莆且半載地遠不及奉狀適有詩

自杭簡莆諸老離索之懷見於言外次韻奉謝

聊發千里一笑

歸時烟柳正春腴
官况邯鄲昨夢餘
莫問長卿山遠近
逢人便問馬相如

軒渠許序索詩催
別後東園不寄來
幾度將心付潮去
夜深和月又飛來

書陳希夷睡圖

持字圖南居華山雲臺觀預知死
日端拱二年七月二十九日卒

於蓮花峯下張超谷室中死
七日有五色雲經月不散

卜世勞神又卜年
先生鼾息正喧喧
屬猪骨冷山河換

石枕簟衣尚晏然

雪球花

雪裏誰將玉刻成
天仙午夜集羣英
醉翁眼底多清識

不入無雙作伴行

揚州瓊花為天下第一歐陽六一翁
為作無雙亭 韓李花詩誰將平地

萬堆雪剪刻
作此連天花

憲副趙公建言鄭夾漈先生宜立書院書卷後

遺文藏山草木香
七畧未足所見長
何年縉紳遂朝請

墨書飛下中書堂

秀巖道人予族子也竟未相識近養晦於翠壺
之下求詩以為聞覺之助書以四絕其一問訊

黃畊叟老人云

巖棲得月伴晨昏蓮社相依一片雲勤禮金僊修白業

翠壺側畔兩洪君

佛經以善業為白惡業為黑達摩師云當勤修白業金剛明經遠離一

切諸惡善修一切白淨之業予族兄月卿長齋亦學在家菩薩

梵唄微言心默解具書密義手曾抄長年分喫閣梨飯

耐可全將俗累拋

梵唄謂唱和演揚而聲聞於外杜詩梵放時出寺李白題瀟湘詩云

南湖秋水夜無煙，耐可乘流直上天。
且就洞庭賒月色，將錢買酒白雲邊。

天目山頭百丈竿，戲衫卸了下巖湍。即今譜系漫漶甚。

相見途人一例看。

七里瀨在東陽江下與巖瀨相接即釣臺也。

父行今誰更典刑，近聞猶解主詩盟。數莖留取隄防老。

莫苦沉吟學後生。

漢孔融與蔡邕素善邕卒後有虎賁士貌類邕融每飲酒酣引與同坐曰

雖無老成人猶有典刑 馬援有疾梁松候之拜床下援曰我乃松父友也雖貴何得失其序乎

續軒渠集卷七

欽定四庫全書

續軒渠集卷八

元 洪希文 撰

七言絕句下

張叅軍克明席上出歌妓蹋筵主人索詩贈之

口占一絕

歌喉圓轉聯珠貫舞袖郎當散綵霞記得樂天詩句好

醉嬌無力牡丹花

禮記累累然端如貫珠
窈窕人清唱弄珠貫

張建封僕射

節度武寧舞妓盼盼乃徐州奇色公納之燕子樓
白樂天經徐與詩云醉嬌無氣力風裊牡丹花

閑適

看書無味又看山門對雲林盡日閑俗客不來無一事
只將詩酒自怡顏

寄題化邑剛中上人南湖十詠詩卷後

秀色凝眸若可餐前修講道此交驩世人自不能容物
却笑空門布袋寬

彌勒峰

山蹊荒徑草芊芊
幻影雲空思杳然
自是至人塵垢滅

一潭寒玉冷無烟

宋佛澤

神物蜿蜒黑處蟠興雲致雨執其關雖然變化通冥漠

來就高僧叩大還

蟠龍窟

需老當年別此峯山空鬼哭道場空闍梨不及於菟智

獨守空山幾劫中

伏虎林

城西晚步携小兒書所見

隣牆請火草燒緼旋買新芻洗瓦盆
招得牛醫無管待

伏雌生瘠當盤殮

前漢蒯通傳里婦夜亡肉姑逐婦諸母即束緼請火於亡肉家值狗爭肉

婦得
還家

乍見長魚衝壑去又逢白鷺入城來明知不是池籠物

侶我奔馳有為哉

池魚籠鳥見潘安仁秋興賦魏顥李翰林集序云橫海鷗負天鵬豈池

籠繫
之

款竹携壺過畧約吟梅折簡召嶙峋短靴低底誰知我

且作遊山弄水人

晉司馬宣王討王凌面縛水次凌謂王曰卿直以折簡召我敢不至乃引

兵來即王曰以君非折簡客也

書傳德陽教授所居精舍
前宋登科

洛陽城裏玉川宅
光範門中宰相書
何事春風渾忘却
莓苔還侶野人居

發蒙

指畫之無教小兒
吾伊半日出聲遲
九經四十八萬字

何日談論底蘊時

黃山谷夜間對窓孫元忠誦書賦作竹枝歌南窓讀書聲吾伊北窓見月

歌竹枝曲有辭有聲辭者歌詩聲者若羊吾夷伊那何之類白居易生甫七月其母教之無字雖百指不差

老慵

安眠得法江河運

坡詩安眠海自運即道家還精補腦之說

自唱無酬風雪

閑白樂天與元九書云梁陳間率不過嘲風雪弄花草而已不是相遭皆澹泊如何

消得鬢毛斑

萬事無營已雪顛黃庭一卷足長年金丹九轉工夫密

荆棘不生身自仙

古歌九還七返三五一龍虎相交入塊室灰池焰灼天地精金液還丹功

了畢真誥載王夫人與許長史書交梨火棗此乃飛騰之藥君心中猶有荆棘相雜是以二樹不生可剪除

否

幽居

柴門掩斷徑生苔坐閱東君幾往回看盡床書無客到

殘花風送過牆來

投老安閑世味踈
深深水竹葺幽居
床頭昨夜風吹落
多是經年未報書

恠石

欲歎雲雷來月窟
翥驂虬鳳下天台
漢唐池館多禾黍

何侶山林卧綠苔

詩周大夫行役至于東周
過故宗廟宮室盡為禾黍

夜起聞蘭坐至三更
方就枕為賦二絕

百草離離感異芳
時乎不遇亦何傷
誰人筆底有香字

請為猗蘭續後章

孔子歷聘諸侯莫能用自衛返魯隱谷之中見香蘭獨茂喟然嘆曰夫蘭

王者之香今與衆草伍乃止車援琴作猗蘭操云

香透疎簾夢自知
斑紅健碧闕清奇
絕如惠可初尋佛

半夜中庭立雪時

二祖名惠可以求佛法立中庭雪齊于腰

病眼少甦

巖電今朝幸瞭然
邇來一月廢書眠
問天乞得明如月
朗誦今生未見篇

野興

乾沒無營懶出門殘書束閣且開樽此生侶與渠無分
得意開時眼便昏

得利為乾失利為沒張湯始為小吏
與長安富賈田甲魚翁叔之屬交私

懶起

香冷衣篝燼冷灰酒銷斗帳曉星催詩鈎搭在櫻桃樹
怕雨飄殘哄下來

老病昂藏被酒欺癡兒頑鈍曉書遲扶頭送得出門去
已是黃雞粥熟時

過登春臺書事

至正丁酉郡守
雪莊公重初序

我來弔古土成堆刻楠題名夢已灰欲問前朝興廢事

鷓鴣飛上堦垣來

前朝名公登第咸刻名其上

燒香偈子二絕

不學瞿曇不學仙暮年轉覺道心堅老人自有安心法

深炷爐熏斷俗緣

圓澤禪師謂李源曰俗緣未盡慎勿相近

醉舞狂吟憶少年逡巡七十已華顛麤茶淡飯隨緣過

細讀黃庭內外篇

黃庭經內景云脾神常存乎魂庭晝夜存之可長生魂即黃也

春陰二絕

衣綻重瞻桑沃沃食空還喜麥芄芄誰知飽暖生民意
只在春陰春雨中

桑扈知時勸課頻竹鷄帶雨殫行人為言農畝耕桑者

何事不知桃李春

扈亦作雇爾雅桑扈竊
脂春秋九扈為九農正

贈龍華橫海老禪

說有談空復造玄從來高士著幽禪六經外豈無豪
傑始信天中別有天

行脚東南大海波辦香叅禮諾詎羅歸來誦得湯休

句鴈蕩龍湫雲雨多

西域書阿羅漢諾詎羅居震旦東南大海際鴈蕩山芙蓉峯龍湫唐

貫休為諾詎羅贊有鴈蕩經行雲漠漠龍湫宴坐雨濛濛之句

首夏

翠柄纖纖裊鹿葱石榴明艷帶猩紅繁陰剗地難幽獨
須倩竒花暖碧叢

東溟講師主緣囊山

梵王宮殿輝金碧佛子旛幢豎綺羅迎得法筵龍象去

辟支巖下笑呵呵

龍象出佛書謂有力可負荷者維摩詰云辟如龍象蹴蹋非驢所能堪

達摩云此僧中之龍象劉禹錫
雙槍詩云龍象界中成寶蓋

信雲坡權府遊梅峯僧舍觀牡丹韻

包藏炫耀已全開
卯酒初酣露醉腮
要識本來真面目
請從花地問如來

書城西壽藏

文筆峯高閣暮烟市
橋山崦接西邊撒
開甲子百二十
且住人間作地仙

寒食途中書事

去年召募赴霞城塵暗貔貅百萬兵又是去年去時節
數聲啼鳥斷人行

二月梅花

奪得水姿過歲華遠離塵垢迥堪誇即今年少多脂粉
只恐春光不稱花

辛未館洋尾李氏主人西隱出示族譜自談族
譜之盛俾書其後云

唐李難將庶姓同族莆支派有由從

江州郡王

玄元老子稱

皇帝幾擔擔來桐葉封

成王與唐叔虞戲削桐葉為圭以與之曰以此封君周公曰天

子無戲言遂封虞於唐

春晴

鷓鴣聲歇日曛曛山谷溪橋暖信通
花柳村村自生意
青鞋布襪逐春風

溫故

長途瘦馬徧馳驅時不來兮一束書
四十餘年心力瘁
而今熟路駕輕車

訪僧不遇

厭踏紅塵滾滾中
晝長來此聽風松
溪深畢竟浮杯渡
門倩白雲封幾重

故人餽麋

久啖蕪菁分寂寥
故人分侶意迢迢
并刀淺割香臙膩
幾載深山食藥苗

餅中梅花

為恐寒林凍雪侵
竭來槩几伴閑吟
世途噂踏誰知已

賴有梅花識此心

評梅花賦 并序

予幼讀皮學士桃花賦皮嘗譏宋文辭姹媚
不類其為人予以為然常恨未見廣平之為
賦也暇日搜索羣書因得寓目觀其顛倒困
躓厲志自許於此有以破平生之疑焉蓋廣
平之作非徒賦也所遇阨窮而不憫非斯人
歟思而不怨正得楚騷之體為各賦一絕以

侯來者

甘遯荒岕寂寞濱不隨蘭蕙入芳塵
阨窮不變平生節
餓死商山僅一人

評桃花賦

梅花賦體恨輕清賦就桃花要入評
妬女艷姬多點污
桃花千載恨難平

雨過山行書觸目

日暮雨晴雲出溪泓澄九折淨無泥
渴虹下飲喉吻動

隔影雙雙啼竹鷄

至正庚子十一月二十七日夢中作

予嘗暇日讀前賢夢中得句或覺而足成之
常以為迂忽於是夜夢與前棟林學成相聚
視其書几上有二絕句以釣魚為題中間有
小魚巨鱗為韻予語曰小鹿角為小魚以金
鱗勝巨鱗輒書一絕以遺之既覺而忘學成
二絕不知胡然作此語也書以記之

烟波蕩蕩寄閑身
筐筥携歸色侶銀
莫笑江湖釣竿子
擔頭掛得兩金鱗

監郡公誕辰口號二首

昨夜鈞天現角亢

壽星

台星側畔助輝光
偏為天下蒼生

福於萬斯年壽萬方

翹企長安捧壽卮
華筵遲後未為遲
詩翁何以為公
壽吟得新詩當壽儀

問訊泉上人釋門老

年相先後各華顛二老風流豈偶然約到松林閑半日
茶烟輕颺落花前

子耄耄之年已已仲冬前一夜枕上半醒睡作
甚矣吾衰只自知揮毫頓減少年時回思四十年前事
翁季燒燈夜鍛詩



續軒渠集卷八

欽定四庫全書

集部

續軒渠集卷十九

詳校官中書臣孫衡

侍讀臣孫球覆勘

覆校官中書臣宋 鎔

校對官中書臣范 鏊

謄錄舉人臣呂日永

欽定四庫全書

續軒渠集卷九

詞調

八聲甘州

憲司備行台試

秋光如此摧落堪嗟菊韻正新黃對遠山如畫殘霞侶
縷澹澹烟光恠得數聲喜韻好語繞山墻報道皇華使
載酒登崗 回望碧雲深處凜繡衣霄漢玉斧光銜况

幙中二客辣手試風霜看醉醺龍蛇走筆借時人膽炙

齒牙香儂才薄如何七步急就成章

漢武帝遣直指使者
暴勝之等衣繡衣持

斧分部逐捕盜賊威鎮州郡漢雋不疑傳
時黃門令史游作急就章散隸體篋書云出書斷
漢元帝

臨江仙

暑劇搗酒就溪流盥漱因少憇松陰

欲借明光無問處野懷雅趣林丘不妨枕漱事遲留千

巖如競秀萬壑欲爭流月觀風臺隨處好頓令熱惱

全收一觴一咏足清遊世情看白髮心事付沙鷗

漢武帝太

初四年起明光殿近挂宮成都侯商病欲避暑從上借
明光宮華嚴經云以白旗檀塗身能除一切熱惱而

得清涼也揚州有月觀風臺何遜梅花詩枝橫却月觀
花繞凌風臺應知早飄落故逐上春來 晉孫子荆曰
所以枕流欲洗其耳所以漱石欲洗其齒或問
顧愷之會稽山水之狀曰千巖競秀萬壑爭流

阮郎歸

焙茶

養茶火候不須忙温温深蓋藏不寒不煖要如常酒
醒聞弱香 除冷濕啗春陽茶家方法良斯言所可
得而詳前頭道路長

海棠春

剖瓜

青門瓜地連芳草富貴不來年少老雨露不曾偏顏

色天然好 揭來就把并刀破 粟樣生金圓 顆顆細味

杜陵詩 慰我懷 枯槁

前漢鄧平故秦東陵侯秦破布衣種瓜長安城東瓜美謂東陵水

杜瓜詩滿
眼顏色好

浣溪沙 試茶

獨坐書齋日正中 平生三昧試茶功 起看水火自爭雄

韓石

勢挾怒濤翻 急雪韻勝甘露透 香風晚涼月色

照青松

清平樂

風車

風隨車走喚做天公不試運州黎高下手砂礫秣糠前
後誰言天籟難移即今神柄誰持若問紅爐點雪從
來理慾分歧

鵲橋仙

水碓

山容疊翠水光拖練澎湃奔騰遠勢輸他心匠動機舂
應笑殺伯鸞左計引渠激水連房鑿臼擣盡糠和秕朝
朝暮暮不曾閑又豈問豐年歉歲

傳曰舂白之
智不及機舂

桃源憶故人

砭頑

西風搖落梧桐井氣入韓堂淒冷百鍊江心銅鏡照盡
鸞孤影 利錐早脫囊中穎躍冶怎逃頑礦獨抱素心
誰省漏甕勞修綆

青門引 碁

白日沉沉永棋局閑尋清興兩賢既不為山河強分南
北黑白交成陣 雌雄未決誰能省勢若曹劉競英雄
到底誰是勸君動也何如靜

品令 試茶

旋碾龍團試要著殘無留膩
喬雲獻瑞

雲二色曰喬亦瑞雲也

乳

花鬪巧松風飄沸為致中情多謝故人千里
泉香品異迫休把尋常比啜過惟有自知不帶人間火氣心許
云誰太尉黨家有妓

鷓鴣天

漁父

萬頃玻璃浩蕩秋桃花小岸蓼花洲春風秋月等閑度
雨笠烟蓑得自由
移桂棹下綸鈎功名利祿不須求
得魚換了茅柴訖船放長江自在流

如夢令

櫻桃

四月朱櫻乍熟甘露一般清味禽觜奪將來卸在赤牙
盤裏何似何侶清淨摩尼珠子

踏莎行

雪中山茶

風掠寒條雪封凍蒞行人蟻凍荒崖裏千巖萬壑白皚
皚孤紅傑出真堪美 生類穢夷芳心銷歇玄冥漏洩
春生意衝寒折得一枝來徐熙畫底應難比

沁園春

壽東泉郡公

農樂豐年擊壤西東千倉腐紅正火劑漫山丹青炫轉
朱華冒水雲錦繽紛鍾秀燕山分符壺嶠鬱鬱葱蔥初
度辰人爭道是卿雲甘露毓瑞儲精 公餘玉塵綸巾

遠竇過唐賢幾輩行看筆軍掃陣年欣給役詩工綴錦

王翰求隣咀嚼羣經搜羅百史辦下工夫日日新東泉

水願永霑學海混混涯津

漢文帝紀初為郡守為銅虎符竹使符剖竹分符各留其

半右當留京左以與之 史記天官書若烟非烟若雲非雲郁郁紛紛蕭瑟輪囷是謂卿雲卿音慶輪音管

水龍吟

壽夏政齋閏八月初二

一年兩度中秋這回初度尤堪喜
螢生二葉荷開十丈
荔丹千里令肅貌
貅業安畎畝戍安隍
壘况莆民截鞞
帥垣攸擻人懽悅
雷聲起自古將門出將貴
三品腰
金綬紫它年領取英公官職
黃公年紀綵袖翩翩
慈幃
强健諸孫環侍侍婆婆
酒醺呵笑花下含飴耍戲
夏英
公名竦

浣溪沙

雪夜病起

入室天然惱病禪
打窓風雨悶吟仙
歸心一點落燈前

猶有十三樓上酒可無三百杖頭錢一年心老一年

年

柳梢青

春恨

問訊梨花不知還解更幾番風雨打黃昏泥香白雪愁與誰同
可堪鳳懶鶯慵飛不到蕭娘鏡中望斷碧山恨
迷芳草春太匆匆

玉樓春

重書靈岩舊題處

燕語垂楊春又暮往事空隨流水去當時傑句倩誰題

塵壁只今無著處 酒債尋常隨所寓 烟竹風花堪笑

語偷開將學少年遊終不似邯鄲故步

孫權叔孫濟嗜酒不治產常醉

屢欠人酒緡人笑之濟恬然自若謂人曰尋常行坐處欠人酒債欲債此緡袍償之古詩典盡春衣無可奈尋

常行坐欠人錢

水龍吟

代洋尾李氏壽柯竹圃

降庭佳氣葱葱輝 聯南極光如晝 門弧紀瑞 華筵開宴
兜離仙奏 梨棗功深 永鉛訣秘 內丹初就 燠壺中日月
放懷詩酒 這安樂窩中叟 夢語喧傳 萬口 况雞林有

人親售當家句律早傳驥子孫枝又秀自愧長文遠離

車膝幾時回首料得今朝懽笑大家拜舞外翁千壽

許穆

入華陽洞得道王母第二十女紫薇夫人與穆書曰玉醴金漿交梨火棗飛騰藥也不比金丹已生於君心中以君心猶荆棘相雜是以二樹不生不見身中鉛汞氣力秉精血道家以鼎烹金石為外丹吐故納新為內丹柯能黃白術故云白樂天詩集鷄林行賈售其國相篇易一金偽者相能辨之世說陳太丘詣荀朗陵無僕使元方將車季方持杖長文尚少載著車中既至荀使叔慈磨門慈明行酒六龍下食文若尚少坐著膝前

齊天樂

壽方君會

山陰文會纔三日懷陳跡都如掃鬱鬱葱葱融融溢溢

和氣偏薰瑤草春光未老便撒放鶯花收回梨棗醉
霞漿壽峰側畔神仙島 牆屏翩翩學子總芝蘭玉

樹映人娟好德耀新歸子平畢娶來歲掌珠可抱名
繯利鎖任祿食千鍾位登八座貴不如閑與兒郎自

傲

其子後納粟
本路經歷

滿庭芳

送張譯史東州秩滿歸代方譯史作

卓卓聲名英英人物翠壺肯暫遨遊與君聚散鴻燕自
春秋位置六曹上客揮灑處文彩風流尊鱸好故鄉入

夢留不住東州 驂騑從此去嘶鳴
北向志氣悠悠指
燕臺路近唾手公侯料想春風得意醉眠常杜最高樓

天付與男兒事業姓字覆金甌

京北城南有韋曲杜曲
杜正倫為相與城南諸

杜昭穆遠求同譜不許街之諸杜所居號杜固世傳其
地有旺氣故世衣冠正倫建言鑿杜固通水以利人既
鑿川流如血自是城南諸杜不振雞距集韋曲杜鄴近
長安諺云城南常杜去天尺五 杜詩文彩風流今尚存

賀新郎

壽李西隱時館於李氏

今日知何日聽瑤池西來青鳥密傳消息阿母臨行宣
曼倩留取蟠桃休喫因則甚鸞驂未出約待西方無量

壽賀西家大隱開華席蓬萊島神仙客 壺公滿眼春光溢
正千花萬草薰人芳菲紅碧快意長江都是酒放出韓湘
竒術况兩鬢蒼蒼如漆記得晉公留好語二三

百歲有何難劃耐松柏豎金石

王母以玉盤盛桃七顆以四與武帝帝欲種之

母曰此桃三千年一實帝乃止

倦尋芳 春詞

卧鴨爐邊翔鴛屏底正斷腸處烟草風花粧點春愁無
數貪睡海棠酣暈臉歌眠楊柳狂飛絮倚東風子規叫

月亂鶯啼樹 儘遊賞吞花卧酒握月擔風誰訴離緒
鏡裏朱顏還被青春領去 較較紅飛愁萬點絲絲綠織
愁千縷這光陰那堪幾番風雨

念奴嬌

冬月

月華似水正同雲天氣流光如爍冷氣射人寒痺瘵走
下深簾重幕十二瓊樓三千玉斧手凍憑誰斲乘鸞女
子為伊再三驚愕 回顧玉露淒清恐非人世怎敢輕
諧謔上界神仙官府足肝膽驟然傾落凍合關河光搖

牛斗飛起橫江鶴
平明起視雪封枝
上梅萼

滿江紅
幽居

築室雲屏連翠巘
斷崖如白任紅塵
飛到借風為帚談
笑從容無俗客
山花風竹皆吾友
做姬公事業竟明農
終田畝
閑人却經綸
手緊閉了謀謨口
看高車公相
塞途僕走是有命
焉那幸致萬鍾於我
夫何有但鄉車
我笠勿相忘
須回首

踏莎行
觀堂試

郡國興賢黌宮課試書生事業從今始銓衡當道有司
明吹噓送上青雲裏賦要凌雲文如翻水八音五色
驚童穉時人莫作等閑看丹墀獨對應如是

酹江月

酒邊

一年佳景又新橙快意重呼醪醕爭奈情人乖信約誤
聽幾番風竹魚沉鴈杳懶聽相思曲少年狂夢黃粱草
已先熟烈士壯心仍在唾壺敲碎此恨何時足太息
舊交風雨散大半已歸鬼錄對酒淒涼欲誰訴喚起蒼

虬玉槌床大叫為子更剪明燭

洞仙歌

早梅

野亭驛路盡是尋幽客水曲山隈浩無極見松荒菊老
歲晏江空搖落盡幾點南枝消息天寒雲淡月弄黃
昏色綽約真仙貌姑射占得百花頭上積雪層冰捱不
去只恁地皚皚白問廣平心事竟何如縱鐵石肝腸也
難賦得

風中柳

水碓

錦里人家桑柘陰連西崦駛決溪流青似染引機激水
作碓依山旁無朝無暮無豐歉 德耀當年杵臼生涯
勤儉強勸郎温温笑臉男兒志氣正欲長光蹊任頑石
也須頭點

如夢令

燈花

報道燈花如晝燿燿文章摘繡安頓莫風搖應恐夜寒
花瘦搔首搔首結裏望天將就

桃源憶故人 別故人

客亭折盡垂楊柳，馬箠堤邊無有唱。
徹陽關，杯酒別我平生友。
男兒得意須回首，烏兔東飛西走臨發不堪。
分手戀戀君知否。

蝶戀花

蠟梅

雪裏江梅標致好，千古詩人總被橫斜惱。
蠟貌梳言愁殺我，道伊曾向孤山過。
檢點花房開幾朵，錯引出蜂釀蜜供殘課。
三嘆楚騷無可攷，梅花已不如芳草。

水調歌頭

雪梅

崖谷搖落盡銀海眩花生霏霏漾漾閉門三日斷人行
我欲尋幽無路但見砌平凹凸粲粲盡堆瓊片勻如
剪散入馬蹄輕梅索笑竹含貞酒頻傾矜香鬪色鼻寒
無孔眼瞳瞳昔則寒林水墨今則瑤臺琪樹竒妙孰能
名起舞歌白雪聊暢我幽情

續軒渠集卷九

欽定四庫全書

續軒渠集卷十

元 洪希文 撰

雜著

瑞芝銘 并序

楓林興教里中士人陳天應後圃產芝二莖
命工圖形以傳厥後莆士夫咸為歌詩以偉
之然僕所云瑞者必近取諸身是謂美之實

也其銘曰

攝提之歲月插辰斗芝產二莖東崖西畝莖葉如貝蓋
黃如鞋有疊其稜有咸其拇色黃為中數二為偶蕪穢
不雜雜生藜莠曰華而實陔也芟藕曰根而實松柏部
婁和氣禎祥薰蒸矯揉宜兄宜弟令妻壽母共為子職
饋養左右仰事俛育靡間前後麟鳳鳥獸羽鬣飛走聖
智愚庸耳目鼻口非芝惟芝天地情負非瑞惟瑞倫紀
恩厚黃耶紫耶理也不朽蓋耶莖耶中也獨受底豫顧

養怡愉澹滄歸全順令守正毋苟脩身齊家悅親信友
善不外來福自己取行脩家庭瑞應林藪我辭匪佞用

贊悠久

陳有繼母 樂記樂
傾天地之情傾依也

祝文

興化縣主簿曹古心謁孔廟

某官古心下車之初謹謁于大成至聖文宣王曰莆小
魯也游洋為支邑猶魯之闕里歟古心向轄頻宮周族
俎豆今貳茲邑忝領民社仰視游夏愧赧多矣然學道

愛人見小欲速之訓則嘗聞於夫子安敢不勉

興化縣新建廟宇塑聖師像

惟王教垂萬世道貫百王金聲玉振有紀有綱矧茲十
室僻介一方廟宇聿新籩豆就行巍巍當座黼黻冕裳
天開日明文化大昌抑亦聖師之靈吾道之光

降香祭湄州林天妃祝文

維年月日郡守某等謹聞之祭法曰凡法施於民禦大
災捍大患皆所當祀海之為物所繫尤重捍禦之功非

神其誰尸之閩距京師萬里聖天子嘉惠元元親冊連
率牧守俾宣德澤罔有內外又常選用重人奉香祇謁
祠下以顯厥靈敬神愛民恩禮兼至神其鑒之神於海
道嘉績顯著神之衛民可謂勤矣而褒崇徽號寵命三
錫國之報功亦云禮矣某等謹率僚屬肅將祀事其有
樽俎豆籩祝幣牲酒罔不具備爰命吹擊笙鼓以侑馨
潔其詞曰

南海之墟宅祝融湄江之島神所宮大海盪泊傾魚

龍神靈秘怪無不容陽開陰闔相撞春轉禍為福須
史中海波安流天無風漕引獲利舟楫通中流失勢
默禱穹大莫大兮更生功聖朝寵遇恩數隆徽加懿
號神次崇天香下繞雨露濃神降倏忽來無蹤禮嚴
祀事賓屬從修陳俎豆酣笙鏞神具醉飽年穀豐民
不疫癘時和雍國與咸休期無窮

聖墩宮天妃誕辰箋加封靈慈廟額

星臨寶冊攸宸極之絲綸春盎瓊卮長仙宮之日月老

倪交慶海嶽敷休臣某等誠懼誠抃頓首頓首恭惟宣
封護國庇民廣濟福慧明著天妃維國忠貞為民怙恃
先駟融若作渺海之慈航後列英皇奏鈞天之廣樂羣
生鼓舞百祀光輝臣某等俯効葵傾仰訓樾庇霞裾雲
佩肅帝子之觀瞻壽水壺山效封人之頌禱臣某等下
情不任激切屏營之至謹奉箋稱賀以聞臣某等誠惶

誠恐頓首頓首謹言

趙簡子夢與百神遊於鈞天
廣樂九奏萬舞其聲動人

永福院謝雨

朝念觀世音暮念觀世音久依妙果東洋大海水西洋
大海水並化甘霖早禾收銍艾之功晚稻有傑苗之望
神通如是報稱云何向來一辦香為十雨五風而讚禱
爾時七寶蓋作四時八節之津梁

謝馮西美補毛詩齋長啟

八叉妙手擅賈馬之雄才一介晚生忝何韓之近姓謹
壯尺書之敬敢干丈席之嚴共惟某官地位清高天資
發越真士林之翹楚富學海之淵源昂然之志趣不羣

馮衍素稱人傑籍甚之聲名第一馮京克紹祖風竭來
佐教於莆邦喜見橫經於芹泮盟持牛耳斯文不在茲
乎兆協鱸魚先生自此升矣某箕裘表世業筆硯寒儒患
讀書之不多使誦詩而未達雖過庭有訓粗能識鳥獸
草木之名恐以文害辭未免泥魚兔筌蹄之跡過蒙齒
錄愈重背世已看翡翠未掣鯨鯢政賴師資之訓欲駕

駑駘而追騏驥尚煩鞭策之勞

莊子外物筌者所以在魚
得魚而忘筌蹄者所以在

兔得兔而忘蹄注蹄兔宜也可以獵兔而擊兔脚
詩爭看翡翠蘭苔上未掣鯨鯢碧海中央
温庭筠才思

艷麗工於小賦每入試押官韻作賦凡八义手而八韻成

修木蘭陂化石疏

壞陂當復已如兩黃鵠之言刻石未成尚欠三犀牛之力
睽此木蘭一所肇於錢李二家水之利也無窮物之久也
必弊回狂瀾而力障既堅砥柱於中流奈巨浸而成淵復
決隄防於南岸雖已藉土培而壅護然亦須石甃則堅牢
至無脛來無鞭倘不吝千鈞之費舉為雲決為雨殆將興
數斗之謠一時之費不貲萬世之功永賴

前漢童謠曰壞陂誰隄隄子威飯我豆羹芋魁反乎覆陂
當復誰言之兩黃鵠秦李冰為蜀守作石犀三以厭
水精杜石犀行白公穿渠引涇水起谷口入櫟陽注
謂中表三百里溉田四千五百餘頃民歌曰舉車為雲
決渠為雨涇水一石其泥數斗

莆田縣修薛簡肅公亭疏

亭在池中央

鳴琴百里之地有亭翼然列戟數仞之牆其華灼爾以
簡肅之賢而樂於濂溪所好則同四壁且看芙蓉一縣
旋栽桃李露臺必用十金產谷費云如之何戴樓若沒
一文錢鑿空豈能了得幸有會稽楮先生為之饒舌白

水錢真人為之點頭庶回一日新功可作百年佳話開
亭萬工費載歌頌濱蘇子之詩修廟百貫贖大書昌黎
韓公之記

壽峯吳真人漳江行香回祠

正直聰明既達真而證聖慈悲哀憫宜降福以垂恩食
茲土既克永年鑒厥初而伸弘願過十長亭望五里垵
豈憚遠行持一寸草報三春輝敢求多祝知神明可厭
魑魅除燥濕而昧帡幪形道士心浮屠

柳郭箏師銘

悟

如來之真覺傳燈錄一鉢歌肥吾民物同與西銘廣太

上之好生

東溟追薦本師北溪和尚茶疏住梅峯承宣開講
席相州人號太平

大椿八千歲人生幾何寸草三春輝天倫一耳須憑願
力來赴道場恭惟方廣寺衆真鉢孟毗耶城諸尊旛蓋
鑒茲心造示有指歸痛念某先師榮祿大夫大司空前
住當山北溪大和尚望闕承宣開山闡教廣宣經論發
揚大乘宗風一種師僧彼此橫枝法嗣爾時素重因果

我等惟極追嚴伏願稽首十方寸心千里細論水品豈

但中濡泉香滿淪月團共證天台路近

黃梅謂道信師曰和尚化後橫

出一枝出傳燈錄法嗣旁出為橫枝

寺觀祈雨疏

農告子春方興穡事天瘳我早莫僭秧時頃甫息於勸
鳴已不勝其狼顧况甲以交馳之赤白而當此未接之
青黃民不聊生吏將安仰爰瀝陳於丹悃願垂憫於蒼
生蘇其焦枯沛以霖霖雲雷變化足春畝之犁鋤宇宙

晏清洗天河之兵甲

三山清泉寺檀越記

佛刹有記紀善也檀越有記紀功也翁氏捐已田立常住此記之所繇作也翁官族世居上饒今玉山墳墓猶有存者曾祖丹山合析居建寧以詞賦鳴為閩佳士暨良甫居福唐即其後裔閩壤肥衍有山水禽魚之樂民物富庶實雄東南古侯為支邑負郭西五里許有山飛翔若鳳騫翥舊曰清泉肇初五代季閱五百餘禩天迴

地游禪宮銷歇其租斛不供饘粥寮舍不避風雨僧行牢
落檀越蕪穢向之金碧竟成瓦礫前住清溪某披荆草
荆靈光巋然未迄于成南山師某繼領茲席諭于衆曰
茲宇多歷年所棟宇傾撓加以歲入微薄非巨力檀施
且壞一旦白佛下山以恢前規回舊觀為事勸化諸方
得郡善信翁君偕內子周氏發菩提心咸願捐淨財重
剏山門構法當翼兩廡飾殿宇粉墨漫漶粲然一新復
捨田若干頃入常住為供香鉢百廢具舉靡有缺典如

早得雨如閻得炬象教賴以不墜耆宿某曰茲泉復清
翁之力也否則吾徒救頽波承末流之不暇尚奚復舊
哉向微南山孰開其端非良甫孰起其廢豈非興廢有
數勸化在人使來遊來觀目擊心悟雖寶坊金界亦不外
是是皆可書若夫鳳山之勝則接西禪平林遠瀨映帶左
右扶輿清淑之氣盤礴四出翁氏暇日即寺之後山卜
壘室植杉栢檉檜以為異日得長生修真之所僕既諾
僧請然一行作吏此事久廢且於良甫有同鄉之雅入

焉得辭僕老矣方且涉浙江踰閩嶺為五斗折腰與世相推移尚未知何日能如翁君結束身事因自慨而為之記某年月日承務郎興化路莆田縣尹楊某記

故河南隱君墓誌銘

士固有修身遯世而無悶為鄉里稱善人者吾聞其語矣未見其人也游洋有隱君子者其斯人歟隱君諱環子字仲玉系出莆田之方山子孫散處不一惟游洋之壽峯聚族尤為蕃衍九世祖諱次彭仁宗朝擢皇祐第

官至中奉大夫知梅州軍事天寵眷遇王官褒嘉至今
耀人耳目八世祖諱原道循州龍川令綽有能名迨高
曾之世州佐邑宰代不乏人詩書之澤猗歟盛哉隱君
生於宋淳祐庚戌十月初八日卒於皇元泰定丙寅八
月廿有二日享年七十有八始八歲蚤孤鞠母林氏零
丁孤苦教以義方少長懷竒負氣不屈人下暨年弱冠
人世更新官族銷歇林棲穴處惟恐不容隱君披荆榛
立門戶珠纍黍積為風雨饘粥計於此時茲惟艱哉前

配知縣黃公女繼配林氏謝氏有二丈夫子皆黃出也
伯曰喜孫蚤世娶杉溪陳貢士孫女男一人太冲女
三人皆幼冲娶相溪陳氏延平教官陳世英侄女女皆
適望族冲有子尚在襁褓曾大父所不及見者仲曰嘉
孫娶蕭氏蕭幼嬪于方事舅姑孝克職中饋男二人曰
潛曰淑潛娶侯山陳氏女淑年甫志學女適農卿陳公
裔僕嚮辱隱君知歲延祐間設帳郡庠囑其孫潛負笈
聽教誠意特厚歲戊辰人以壑客聘予至則見其季曰

淑者淑亟拜床下授經史暇罇俎時接慇懃雍雍愉愉
知其家法盖有自來嘗從容語及翁平生真率皆人所
難能者冬裘夏葛必斥革美盃飯盤蔬寧甘澹泊豈不
靳靳乎其難哉暨予登君之堂隱君已修文於地下矣
惜夫天厯己巳其孤嘉孫卜呂二月九日奉柩窆于大
松乾山辰戌之遘遣其子潛淑為大父徵銘於予予於
二子有同道之雅其可以名位辭銘曰

有子負土 有孫丐銘 式穀來裔 永徵幽冥

故濟南徵君墓銘

陽城林仲堅將葬其父踵門乞銘於去華洪希文且曰
林為莆著姓載族志書高祖諱某帥幹曾祖諱某節推
以儒學顯稱為時傑祖諱某有隱德居田里坦坦施施
為衆表則父某少穎悟日誦萬言隨叩隨應從大父過
寧海鎮謁洪翁祖年一目竒之許妻以女實吾母洪也
男三人長孟洪娶王氏次娶薛氏女適西洲吳氏洪蚤
世生佛力娶玉湖顧氏女晚營菟裘於南山南溪為歸

老計諸孤以陰陽星厯之說弗即造葬歲月逾邁髻
穉老醜仲堅遠舶海邦閱八寒暑歲辛未布帆南引欲奉
骨松楸值海道多難弗遂改卜以某年月日奉匱同母
洪穴此志幸就舅氏辱而賜之銘是與我後嗣以不朽
也予曰惟孝可動天地感鬼神何遠弗屆且雕題交趾
文身左衽者獨無父母乎追念吾翁恩重骨肉兩翁聚
首各忘所趨吾翁性不喜飲每受靖節止酒篇而翁
日與歡伯從事每愛香山酒功頌携二李帖帖坐諸生

下翁口講指畫談造理致而翁必為首領予於仲堅童
年相若俱不鮮兩翁意今顏髮蒼皓覩前事如隔日
悲夫且予於孺人為從父弟延祐間嘗誌其窾後十餘
年復秉潛筆其可憫兩翁於地下矣遂詮次其世系以
傳永久固宜書徵君生於某年卒於某年享年若干
其葬實至順三年臘月八日也


莆田合浦等二十八里軍需塔疏

普天率土敢云傷已之財助國勞兵是謂遵王之義况

大帥已伸其敵愾而衆心自可以成城伏念某等隸在
編氓加之里役見朝野昇平之日久遇盜寇猖獗之風
生至使雞犬皆無所寧乃令狐鼠肆行其害不圖餘孽
復逞羣兇斃面繫首以歸敢干國紀殫地竭廬之入悲
助軍需荷官府所派之重輕依戶役已排之分數無州
黎高下其手有元結惻怛之心莫不欣從允為當論兵
凶器也用之其鷹揚乎盜逆儔焉拂之則犬狺也若凡
行李靡屨之經吾土皆簞食壺漿以迎王師河海揚清

風雷蓄怒奮迅掃空其窟穴妖氛偃息於槐槍播奏凱
歌勞還歸士茲蓋伏遇某官 某等仰干洪造俯答

恩私伏願星在北戶河漢西流幸垂庥貺水擊南溟鷗
鵬搏上各遂修程



續軒渠集卷十

軒渠集

吾圃翁軒渠詩

原集散落不全其幸存者唯此三詩二序耳附錄以備後考

賀祖母吳氏生朝

吳魁君謀之從姪年九十六四如監簿誌其墓在後泮

門右今朝列帳巾稱觥拜舞對爐薰兩髦暗合姜自誓

一味必為孫割分

王羲之

九十六年今罕見二三百歲古

嘗聞

丁晉公語

樽前喜極還生感安得萊衣笑語欣

先祖記玉樓矣

希文請名其齋扁之曰緩蓋取先賢勤謹和緩

四事之一為賦一首

古人示戒有弦韋取義名齋汝盍思怒在七情非易制
狂於三疾最難醫聖師氣象溫而厲君子儀容舒以遲
一字書紳常自警宛如人誦武公詩

希文枕邊談詩謂律詩易工夢中猶與之辯詩
以折其非既覺忘其數字因足成之

此下篇多不全至此篇亦末二句不全
可惜哉此後篇數有空白即是破處

七步成詩語近諧壇荒李杜乏奇才僧敲未敢一言定
鳥過曾安幾字來

再題軒渠後集

德章詩意新而事切句妥而對的儻假歲月疊疊逼樗
翁矣惜夫七言如自勉緩齋與希文談詩五言如擇交
謹獨示兒等作身法家教盡在於是韻語云乎哉希文
類藏于家材智豈下人者德章雖亡不亡也

至大戊申立夏聳翁七十八筆

此戊申乃元武
宗至大元年

又序

三笑圖中着一詩人詩家固有笑也然而笑正自難賈

大夫不能射雉不足以動其妻况他人乎吾圃洪先生
莆士巨擘蚤有賦聲得雋場屋本出於古詩之流今觀
軒渠遺藁造語清新擇料亭當復以體物瀏亮之製發
為緣情綺靡之章使人一唱三歎永歌不足不知手之
舞之足之蹈之者而為之軒渠今其子緩齋紹聞衣德
言闕先生必含笑於神清之洞曰予有後弗棄

基

闕

家之叔黨鄧禹不得而笑入矣

東坡
子蘇

過字
叔黨

元延祐第五戊午長生節日燕山阿魯威書于莆陽

--	--	--	--	--	--	--	--	--